

Broj: P-45-467- 11

Datum: 26.01.2026.

27-01-2026

Veza: 07-P- 45-353 od 13.01.2026.

Bosna i Hercegovina  
Federacija Bosne i Hercegovine  
Kanton Sarajevo

Skupština Kantona Sarajevo  
- Ministarstvo komunalne privrede,  
infrastrukture, prostornog uređenja,  
građenja i zaštite okoliša KS  
Ul. Reisa Džemaludina Čauševića 1  
71 000 Sarajevo

**Predmet: Odgovor na zastupničku inicijativu- DOSTAVLJA SE**

U vezi vašeg akta br. 05-09-04-58021-27 od 12.01.2026. godine, odnosno istog akta br. 01-04-57021-27 od 07.01.2026. koji nam je dostavila Skupština KS, a koji se tiče zastupničke inicijative zastupnice Skupštine Kantona Sarajevo, g-đe Admele Hodžić, sa 28. redovne sjednice Skupštine KS, kojom se traži da se poduzmu sve potrebne mjere i radnje za pokretanje Programa „Javni radovi“ u svrhu čišćenja snijega, obavještavamo vas sljedeće:

- KJKP „Park“ d.o.o. Sarajevo je u skladu sa Programom rada Zimske službe u potpunosti izvršilo sve zadatke koji su mu povjereni, a to u okviru svojih zakonskih nadležnosti i površina za koje je zaduženo. To se prije svega odnosi na parkovske staze, stepeništa i platoe koji su ovom preduzeću dodijeljeni na održavanje. Konkretno to je, u šest općina KS, svega cca 80.000 m<sup>2</sup> parkovskih staza, platoa i stepeništa koji gravitiraju u sklopu zelenih površina koje su u nadležnosti preduzeća Park. Sve navedene aktivnosti realizirane su blagovremeno, kontinuirano i u skladu s važećim planovima i procedurama.

- Paralelno s realizacijom navedenih zadataka, preduzeće „Park“ je, u skladu s posebnim sporazumima, u potpunosti stavilo na raspolaganje svoje resurse, kako radnu snagu, tako i raspoloživu mehanizaciju Štabu civilne zaštite Kantona Sarajevo, kao i štabovima civilne zaštite pojedinih općina.

- Tokom trajanja zimskih uslova, preduzeće Park je u zajedničkoj koordinaciji s nadležnim institucijama bilo na raspolaganju građanima, u okviru djelatnosti za koje je specijalizirano. Nakon izvršenja primarnih zadataka iz vlastite nadležnosti, dio svojih kapaciteta ustupili smo i drugim komunalnim preduzećima radi pomoći u realizaciji poslova iz njihove nadležnosti.

- U skladu s dogovorima sa sastanka održanog dana, 08.01.2026. godine, u koordinaciji s resornim ministarstvom, a polazeći od principa društvene odgovornosti i potrebe da se vlastiti resursi dodatno angažiraju u interesu građana i korisnika usluga, preduzeće Park je, kao i druga komunalna preduzeća, podnijelo zahtjev za angažman određenog broja osoba s evidencije nezaposlenih JU "Služba za zapošljavanje KS". Cilj ovog zahtjeva bio je da se kroz Program „Javni radovi“ dodatno ojačaju kapaciteti u oblasti zajedničke komunalne potrošnje, posebno u segmentu čišćenja snijega i pratećih poslova, u saradnji s drugim komunalnim preduzećima.

Međutim, do momenta pripreme ovog odgovora, po navedenom zahtjevu, ni putem JU "Služba za

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
1610000008150048;  
Turkish Ziraat bank Bosnia d.d. Sarajevo  
1860001022085047

zapošljavanje KS", niti na bilo koji drugi način, nije bilo zainteresiranih osoba za učešće u Programu „Javni radovi“, na poslovima čišćenja snijega.

Koristimo priliku za istaći da je Program „Javni radovi“ tokom ljetne sezone, za djelatnosti koje su povjerene preduzeću Park, izuzetno značajan i koristan, te da ga ovo preduzeće redovno koristi u okviru svojih mogućnosti. S tim u vezi upućujemo molbu zastupnici Hodžić i drugim zastupnicima u Skupštini Kantona Sarajevo da slične inicijative pokrenu već u februaru tekuće godine, kako bi se administrativne procedure blagovremeno okončale, a osobe s evidencije nezaposlenih na vrijeme angažirale za ljetnu sezonu, po istom ili sličnom principu.

S poštovanjem,

Akt sačinila: A. [redacted] za

DIREKTOR KJKP „PARK“ d.o.o. Sarajevo

Dostavljeno:

Skupština KS

- Ministarstvo komunalne privrede KS
- Direktor
- Stručni saradnik za informisanje/ web
- a/a